



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

54. Depositio de cruce.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO LIV.

Depositio Christi de Cruce.

Matt. 27. 56.

PUNCTUM PRIMUM.

Provi-
dencia
Dei erga
suos.

Consideranda & admiranda providentia Dei erga suos : nam, cum Mater cum alijs sollicita esset de acquirendo corpore ad sepulturam, ac ne indignè mortuus etiam à militibus tractaretur, providit in tempore de viro divite, & nobili Joseph, qui auctoritate valeret, nec non bono & justo, qui & ipse expectabat Regnum Dei, uti decebat sanctitatem illius funeris ; quique erat *discipulus Jesu, occultus autem propter metum Judeorum* : cui addidit animos ad petendum audacter corpus Christi à Pilato.

Ioa. 19.
38.Christus
obedi-
ens post
mortem.

Itaque Deus solatus est afflictos, & consuluit gloriæ Christi tunc statim à morte : disposuit autem, ut sicut ex obedientiâ Patris Christus ascenderat crucem, ita non nisi ex obedientia Magistratus, juxta legem, deponeretur de cruce.

PUNCTUM II.

Societa-
tis uti-
litas.

Joseph ab Arimathia adjunxit se socium alteri Discipulo item occultus Nicodemus, vir etiam nobilis & justus : ut sic alter alterum animaret. *Joseph emit sindonem novam, ad involvendum, quia non decebat ut usui : antè fuisset.*

Nico-

Nicodemus verò contulit *mixtum myrrha & aloës, quasi libras centum ad ungendum.* Qui se addicit Christo, ostendat id operibus: ea autem sint pura, cum mortificationis studio, & devotionis, quæ sunt aromata.

PUNCTUM III.

DEponitur è cruce manibus illorum dno-
rum, & in demendis clavis ipsi sacrum cor-
pus sustentant, devotione ac reverentia maxi-
ma, nec sine lachrymis. Deposito excipit Ma-
ter, & impletur illud: *Fasciculus myrrha dile- Cant. 1.
ctus meus mihi, inter ubera mea commorabi- 13.
tur.* Quantum illic dolorum, gemituum, la-
chrymarum? quid dictum, factumque circa
sacrosanctum spodium, tum à Matre, tum ab
alijs mulieribus, & Joanne, æstimetur ex a-
more.

MEDITATIO LV.

De Christi sepultura.

PUNCTUM PRIMUM.

UBi satisfactum est amori, sacrum corpus
ungitur per totum, & munda sindone in-
volvitur, caput sudario: coronam spineam &
clavos chara pignora Mater sibi servat. Un-
ctio significat Christum per omnem vitam
multa mortificatione & laboribus fuisse exerci-
tum, ut corpus suum mysticum à corruptione
K 5 serva-

Unctio
corporis
Christi
quid
notat.
2. Cor. 4.
10.